

# Pelajaran Islam: Badan Penasihat kini ditubuh

B.H. 22 NOV 1974

**KUALA LUMPUR,** Khmis. — Sebuah Majlis Penasihat Hal Ehwal Pelajaran Agama Islam telah dibentuk bagi menasihati Menteri Pelajaran mengenai pengajaran agama Islam di sekolah-sekolah.

Majlis itu akan mengkaji serta memberikan pandangannya mengenai kurikulum pelajaran agama Islam, termasuk cara-cara pelaksanaan di sekolah-sekolah bawah tanggungjawab Kementerian Pelajaran.

Menteri Pelajaran, Dr. Mahathir Mohamad mengumumkan demikian ketika merasmikan mesyuarat antara kementeriannya dengan Kerajaan-kerajaan Negeri, mengenai pelaksanaan cadangan menyerahkan urusan pelajaran agama di sekolah-sekolah rendah kepada Kementerian Pelajaran, di sini, hari ini.

Katanya, majlis itu juga akan memberikan nasihat kepada Menteri Pelajaran mengenai cara-cara pelaksanaan



DR. MAHATHIR

pelajaran agama Islam yang lebih baik, mengikut dasar pelajaran kebangsaan seperti dalam akta pelajaran tahun 1961.

Di samping itu, menurut Dr. Mahathir, majlis tersebut akan mengemukakan syor-syor praktikal untuk perkembangan pelajaran agama di sekolah-sekolah serta yayasan pelajaran bawah kuasa kementerian.

sekolah rendah mengikut kadar peruntukan guru yang ditetapkan oleh kementeriannya.

Dr. Mahathir berharap dengan penyerahan itu, pendidikan pelajaran agama Islam dapat diselaraskan antara sekolah-sekolah rendah dengan sekolah-sekolah menengah di samping memperkemaskan pentadbirannya seperti dalam pelajaran lain.

Kementerian Pelajaran akan menanggung sebanyak \$22 juta anggaran perbelanjaan guru-guru agama sekolah rendah bagi tahun depan.

Sementara itu, Kesatuan Kebangsaan Guru-guru Agama Malay-Barat (KKGUMB) hari ini mengalu-alukan pembentukan majlis penasihat tersebut.

## Kerjasama

KKGUMB menyuruh Kementerian Pelajaran mengadakan latihan perguruan kepada guru-guru agama, dengan kerjasama Jabatan Agama Islam Negeri-Negeri, supaya tujuan dan matlamat penubuhan majlis itu dilaksanakan dengan baik.

Dalam kenyataannya hari ini, setiausaha agung KKGUMB, Encik Hambali Abdul Razak merayu kementerian itu supaya segera menubuhkan maktab perguruan agama Islam untuk mengeluarkan bakal-bakal pendidik terlatih.

Ketua Pengarah Peranan, Tan Sri Haji Mohamad bin Jamil akan mempengerusikan majlis itu, sementara anggota-anggotanya terdiri dari cerdik pandai di bidang agama dan ilmu pendidikan.

Perlantikan mereka, katanya, berkuatkuasa mulai 1 November ini dan berakhir pada 31 Oktober 1976.

Beliau berharap, dalam tempoh dua tahun itu, majlis tersebut dapat menjalankan tugas-tugasnya dengan penuh bertanggungjawab dan sempurna.

Mengenai penyerahan urusan pelajaran itu, Dr. Mahathir menerangkan, langkah tersebut dapat mengatasi masalah pentadbiran yang dulunya menjadi kesulitan kepada Kerajaan kerajaan Negeri dan kementeriannya.

## Masalah

Antara masalah itu, guru-guru agama sekolah rendah dilantik oleh Kerajaan Negeri berdasarkan kelulusan agama yang dilakukannya saja dan mereka ditempatkan di sekolah-